

Transkription von Urkunde BRG 1338a

Ort, Datierung: Burg bei Magdeburg, 1338

Signatur: Stadtarchiv Burg, k.A.

Wir otte von der gnade goddes Erczebiscop des hilghen goddeshuses to magdebur[g] be kennen vn(de) betughen vffeligen in disseme / ghegenwordigeme briue . Daz wir mit willen , vn(de) mit volbort vnser Capitelles gemeyne haben gethedinget mit vnser / liben truwen , den gerwern vn(de) mit schoworchen [?] , die wonhaft sin on vnser stat tzu Borch , daz wir on habin gegeben / eyne Inunghe , die sollen se ewiclighe haben na ore wert sal [...] man oben in vnser vorghenanten stat her on habe die / Inunghe gewunen , Vn(de) wer die Inunghe ghewinne wil der sal gheben dri virdinghe , B(ra)ndenbursches silbers , des geldes sal / vns vn(de) vnser nakomelinghen eyne virding vn(de) den brudern die vn(de) der Inunge sin eyne halb mark Her sal ouch geben vir / stuke vleysches die sollen sin eyne halben virdinges wert , daz soln die Inunghes brudere vor to na orer kompanie . wer ober / in der Inunghe is geboren vn(de) wir dar inne geboren . wenne der die Inunghe ghewunet , der sal ghebe eyne lot , da sal vns vn(de) / vnser nakomelinghen der dritte phennig vone geualen , vn(de) czweyteil den Inunghes brudern , Were ouch daz in der Inunghe / iman icht valsches worchte , an orme werke , daz moghen sie richte vnder sich selben [...] willekore sal sin funf schillinghe die / sal der gebe die daz valsche hat getan Dar vmme daz vir en halbin ghegebin die Inunghe , also da vor stet gescreben so habin sie vns / ghegebin driundetzwentzit mark B(ra)ndeubursches silbers . Vn(de) czu eyne orku(n)de der Inunghe so sollin die Inunges brudere vns vn(de) / vnser nakomelinghen , ewicklighen alle iar geben vf sente Marcus tag tzwey par Ste[...] vn(de) tzwey par schu , vn(de) vf sente / walpurghe tag tzwey par steuile [?] vn(de) tzwey par schu . Tzu eyne orku(n)de der vorschrebenen dinghe , daz die ewichge stete vn(de) / vntzubrochen werden gehalden so habe wir dissene brif lazen besegelin mit vnser Ingesegele . Vn(de) wir Heinrich von der gna/de goddes der Tumprobist vn(de) daz Capitel gemeyne dez vorgeantenn goddishuses tzu eyne orku(n)de daz vorgeantenn ding sin / geschen mit vnser willenn vn(de) mit vnser volbort so habe wir ouch vnser Capitels ingesegele an disse brif lazen gehanghen . / Disse brif is gh[e]gheben tzu Meyborg nach goddis gebort . Tusen Jar Drihundert Jar , in deme achte undedrizigsten Jare / in sente Gregorius taghe des heyligen Babisses - /